

Percey Irausquin den entrevista cu Hits100FM diamars awor

“Mi a ser acerca y tabata un honor”, segun e diseñador Arubiano



ORANJESTAD - E diseñador exitoso Arubiano Percey Irausquin recientemente a score internacionalmente

hopi halto ora cu ela bisti e ganadora di premio pa e pelicula di categoria short film animation “Peter and the

Wolf”, esta Suzie Templeton. Durante di Suzie Templeton su entrada riba e Red Carpet y tambe durante di ceremonia

di entrega di premio Oscar e shimis color cora diseña pa Percey a impacta e audiencia y medionan di prensa. E shimis su estilo halter tabata di streps crusa parti dilanti y parti patras lomba afor a causa furor. Den entrevista cu Hits100FM Percy ta conta cu e no a acerca e directora di pelicula, ta Suzie Templeton mes a yama Percey y expresa cu e kier bisti un shimis di Percey su coleccion ya cu e tin varios shimis di Percey caba. Nos por corda cu den pasado ora cu e actris Halle Berry a bisti un shimis di un diseñador cu ainda no tabata hopi conoci; Eli Saab, na e premionan Oscar, ta for di e dia ei e diseñador a conquista renombre y acogida rond mundo. Nos ta spera cu esaki tambe ta e oportunidad y empuhe cu nos gran diseñador Percey merece pa sigui conquista mas mercado

internacional. Pa mas detaye di e éxito cu nos diseñador Arubano ta cosechando sintonisa 100.9/Hits100FM diamars mainta cu Aldrich Croes y merdia cu Ruben Trappenberg sin falta.

